

Quels battan, quels Rumantschs!

REGIUN – ALS DIS DA LITTERATURA A DOMAT VEGN PRESCHENTÀ LA SINCRONISAZIUN RUMANTSCHA DAL FILM «ASTERIX EN L'AMERICA».

«Quels battan, quels Romans!». Tgi n'enconuscha betg quests pleds d'Obelix, l'erox gallic, che cumbatta ensemble cun ses ami Asterix per l'indipendenza da sia vischnanca! Obelix è gia stà ina giada en il Grischun. Co san ins sa declerar auter la rotscha da craps preistorics en il conturn da Falera? Uss s'avischina però er Asterix al Grischun. Ils dus eroxs han lur comeback ils 12 da november als Dis da litteratura a Domat. Ed els discurren rumantsch! Grazia ad in sustegn generus dal Coop vegn la sincronisaziun dal film da disegns animads «Asterix en l'America» realisada quels dis. Michel Decurtins, in grond fan e conuschider d'Asterix, procura per la

translaziun rumantscha. «Asterix en l'America» gioga en il temp, cur ch'ins carteva ch'il mund saja plat sco ina pizza. A la tschertga da lur druid Majestix arrivan Asterix ed Obelix enfin a la fin dal mund. Sco Columbus èn els surstads da chattar da l'otra vart da la mar terra ed umans – las aventuras entschaivan... Reservai damai la fin d'emna dals 12 da november e vegni a Domat a la premiera rumantscha dal film «Asterix en l'America». In ambient cinematic-popcornesc è garantì. Vus pudais retrair las aventuras rumantschas dad Asterix ed Obelix er sin DVD. Pustaziuns a l'adressa:

mirtanicolay@access.unizh.ch



ZVG